

Hloov Pauv Tus Nqi, QIP, thiab cov Kev Hloov Kho Tshiab Phau Ntawv Teev Npe Kws Pab Kho Mob

Lub Cuaj Hlis Ntuj Tim 3, 2024

Txog Rau Cov Neeg thiab Cov Yim Neeg: DDS tab tom qhia tawm tus email txhawm rau qhia rau peb cov zej zog paub hais txog cov kev nce qib ntawm Kev Hloov Pauv Tus Nqi (Rate Reform), Lub Khoos Kas Kev Txhawb Siab Qhov Ua Tau Zoo, thiab Phau Ntawv Teev Npe Kws Pab Kho Mob. Thov nug koj tus kws pab cuam seb lawv puas koom nrog Phau Ntawv Teev Npe Kws Pab Kho Mob. Qhia tawm tus email no nrog lawv yog tias lawv tsis paub txog tus email ntawd. yog tias koj xav txais qhov kev hloov kho tshiab no ob vij ib zaug, ces thov [rau npe rau hauv txoj kab txuas nkag mus no](#).

Nyob zoo tav su,

Tus email ob vij ib zaug no suav muaj cov kev hloov kho tshiab tshaj plaws thiab cov kev nce qib hais txog cov kev tsim kho rau Kev Hloov Tus Nqi, Lub Khoos Kas Txhawb Siab Qhov Ua Tau Zoo (Quality Incentive Program, QIP), thiab Phau Ntawv Teev Npe Kws Pab Kho Mob. Ua tsaug rau txhua tus neeg ua hauj lwm ntawm lub chaw hauv cheeb tsam thiab cov kws pab cuam rau koj tus khub koom tes rau kev txhim kho cov kev siv zog no. Nqe **Yuav Tsum Paub** hauv qab no qhia tawm cov ntaub ntawv tshiab tshaj plaws thiab cov kauj ruam tom ntej. Dhau li ntawd lawm tseem muaj kem sab tom qab **Kev Hloov Tus Nqi Yog Dab Tsi?** nyob rau qhov kawg txhawm rau muab lus ntsiab lus thiab cov ntaub ntawv kev paub ntiv.

Yuav Tsum Paub

Hloov Kho Tshiab Tus Nqi:

Los txog rau tam sim no thiab txog Lub Cuaj Hlis Ntuj, DDS yuav tawm cov lus qhia rau lub chaw hauv cheeb tsam txhawm rau siv cov qauv tus nqi tshiab uas muaj rau hnuv tim siv tau **Lub Ib Hlis Ntuj Tim 1, 2025**. Cov lus qhia no, ua raws los ntawm cov kev cob qhia, yuav suav nrog:

- lub ntsiab lus txog cov kev hloov tus nqi,
- hloov kho tshiab rau Lub Khoos Kas Kev Txhawb Siab Qhov Ua Tau Zoo feem ntawm cov qauv tus nqi tshiab.
- lus piav qhia txog cov luag hauj lwm thiab cov luag hauj lwm rau kev hloov pauv,
- lus qhia rau cov xwm txheej thiab cov kev zam tshwj xeeb,
- lus qhia uas meej tseeb rau cov hom kev pab cuam ntiag tug.

Hloov Kho Tshiab Lub Khoos Kas Txhawb Siab Qhov Ua Tau Zoo (Quality Incentive Program, QIP):

Muaj rau cov hwm tsam kev txhawb siab nyob rau ncua sij hawm Peev Nyiaj Xyoo 2024/25 rau cov kws muab kev pab cuam txhawm rau txais cov nyiaj txhawb siab ua nyiaj ntsuab ib zaug.

- Phau Ntawv Teev Npe Kws Pab Kho Mob: Kev koom nrog Phau Ntawv Teev Npe Kws Pab Kho Mob ua ntej Lub Kaum Hlis Ntuj Tim 31, 2024, yog kev ntsuas rau feem kev txhawb siab qhov ua tau zoo ntawm tus qauv nqi tus nqi puv,

rau ncua sij hawm Lub Ib Hlis Ntuj Tim 1, 2025 txog Lub Rau Hlis Ntuj Tim 30, 2026. Saib cov lus qhia tseeb nyob rau hauv kem Phau Ntawv Teev Npe Kws Pab Kho Mob hauv qab no.

- [Qhov Kev Soj Ntsuam Chaw Ua Hauj Lwm DSP](#): Muab \$8,000 rau ib lub koom haum kws pab cuam uas muaj cai tau txais uas koom nrog qhov kev siv zog txheeb sau cov ntaub ntawv. Qhov kev soj ntsuam no yog qhib txij li Lub Plaub Hlis Ntuj txog Lub Rau Hlis Ntuj txhua tej lub xyoo.
- [Kev Tiv Thaiv thiab Kev Noj Qab Nyob Zoo](#): Muab \$1,000 rau ib tug neeg rau cov koom haum kws pab cuam uas muab kev pab cuam nyob lub tsev uas muaj cai tau txais peb lu hom phiaj txog \$1,600 rau ib tug neeg nyob rau hauv ib hom tsev. "Kev txheeb sau cov ntaub ntawv muaj nyob rau hauv Lub Ib Hlis Ntuj thiab Lub Ob Hlis Ntuj txhua tej lub xyoo, kev duav roos rau lub xyoo raws li daim zwj qhia hnuv tim.
- [Nkag Mus Rau Hauv Kev Ua Hauj Lwm](#): Muab nyiaj rau cov koom haum tus kws pab cuam txog \$1,500 rau ib tug neeg uas muab kev pab cuam, uas muaj cov kev txhawb siab txhab ntxiv rau cov neeg uas tawm ntawm Lub Khoos Kas Txhawb Siab Uas Tau Txais Kev Them Nyiaj (Paid Internship Program, PIP) thiab kev ua hauj lwm uas tau txais nyiaj nqi hauj lwm qis tshaj qib qis (14c). Cov kev txhawb siab rau cov neeg uas ceev kev ua hauj lwm sib koom ua ke rau kev sib tw li 30 hnuv thiab rau lub hli tom qab tawm ntawm kev ua hauj lwm uas tau txais nyiaj nqi hauj lwm qis tshaj qib qis ces yuav tau txais kev nce ntxiv rau peev nyiaj xyoo 2024-25. Tuaj yeem xa cov ntawv thov raws ib qho zuj zus thiab tau txais kev them nyiaj ib khuav tawj ib zaug.
- [Lub Peev Xwm Kev Ua Hauj Lwm](#): Muab txog \$3,000 rau ib tug neeg ua hauj lwm ntawm tus kws pab cuam uas ua tiav kev cob qhia ntawm tus kws tshwj xeeb txog kev ua hauj lwm [ACRE](#) los sis [CESP](#). Tuaj yeem xa cov ntawv thov raws ib qho zuj zus thiab tau txais kev them nyiaj ib khuav tawj ib zaug.
- [Kev Cuam Tshuam Thaum Ntxov](#): Muab nyiaj rau cov koom haum kws pab cuam txog \$300 rau qhov piv txwv xub thawj ntawm kev pab cuam kho mob uas tau xa rau tsev neeg los sis tus me nyuam nyob rau hauv 20 hnuv tom qab hnuv tim tso cai Yuav Kev Pab Cuam (Purchase of Service, POS) rau qhov kev pab cuam ntawd. Qhov kev txhawb siab no yog muaj nyob rau ncua sij hawm lub xyoo raws li daim zwj qhia hnuv tim 2024 thiab tau xam uas siv hnuv tim kev tswj. Qhov kev txhawb siab no tau txais kev them ib khuav tawj ib zaug.

Rau cov ntaub ntawv kev paub ntxiv hais txog QIP thiab nws cov hwv tsam kev txhawb siab, [mus saib lub vev xaib QIP](#).

Phau Ntawv Teev Npe Kws Pab Kho Mob:

Kauj ruam thib 1 rau phau ntawv teev npe yog kev siv zog txheeb sau cov ntaub ntawv (xws li kev txheeb xyuas se thiab cov neeg muag khoom). Txoj hauj lwm no tseem tab tom ua kom tau txais kev pab txhawb ntawm Lub Tuam Tsev Hauj Lwm tus neeg ua hauj lwm muaj ntaub ntawv cog lus, Protiviti. Cov hauj lwm no tau xaus thaum Lub Yim Hlis Ntuj Tim 30.

- Yog tias koj yog tus kws pab cuam thiab tsis tau xa cov ntaub ntawv, ces tseem muaj lub sij hawm seem. Thov saib txoj kab txuas nkag mus rau qhov

kev soj ntsuam thiab cov ntaub ntawv thiab cov ntaub ntawv hu xov tooj tuaj nyob rau hauv [lub vev xaib Phau Ntawv Teev Npe Kws Pab Kho Mob](#).

- Cov koom haum kus kws muab kev pab cuam **yuav tsum** hloov kho tshiab lawv cov ntaub ntawv ua ib feem ntawm qhov kev siv zog loj tshaj plaws txhawm rau tshem tawm cov ntaub ntawv thiab hloov mus rau Phau Ntawv Teev Npe Kws Pab Kho Mob thoob plaws xeev tshiab.

Kauj ruam thib 2 rau phau ntawv teev npe yog cov kws pab cuam uas tso npe rau hauv phab vev xaib hauv oos lais thiab kuaj xyuas cov ntaub ntawv nyob rau hauv txhua tej cov neeg muag khoom, uas suav nrog cov ntaub ntawv sib txuas lus, qhov chaw nyob, thiab cov chaw sib txuas lus hauv zos.

Cov Kev Txhawb Siab Rau Phau Ntawv Teev Npe Kws Pab Kho Mob:

Rau Lub Ib Hlis Ntuj Tim 1, 2025, txog Lub Rau Hlis Ntuj Tim 30, 2026, muaj cov kev txhawb siab peev nyiaj rau cov kws pab cuam, nce raws li seb lawv cov nqi them rov qab tam sim no hais txog cov nqi them rov qab rau kev hloov tus nqi zoo li cas.

Cov kev them nyiaj txhawb siab ib zaug

Tej zaum yuav tau txais cov kev them nyiaj txhawb siab ib zaug los ntawm txhua cov kws pab cuam uas ua tiav Cov Kauj Ruam 1 thiab 2 thaum Lub Kaum Hlis Ntuj Tim 31, 2024.

Cov kev them nyiaj txhawb siab qhov ua tau zoo yog ib feem ntawm tus nqi kev them rov qab

Rau cov kws pab kho mob uas suav nrog kev hloov tus nqi, cov nqi kev them nyiaj rov qab yog teeb tseg los ntawm ob cov feem xyaw kev them nyiaj— tus *nqi theem pib* sib npaug rau 90 feem pua ntawm tus qauv nqi thiab feem xyaw kev txhawb siab qhov ua tau zoo sib npaug txog 10 feem pua ntawm tus qauv nqi. Cov kws pab cuam suav nrog kev hloov tus nqi uas muaj tus nqi tam sim no qis tshaj 100 feem pua ntawm tus qauv nqi puv, yog muaj cai rau feem xyaw kev txhawb siab qhov ua tau zoo yog tias lawv ua tiav Kauj Ruam 1 thiab 2. Dhau ntawm cov kev them nyiaj txhawb siab ib zaug uas tau hais saum toj no lawm.

Cov Kauj Ruam Tom NTej (Yam tseem ceeb uas yuav coj mus siv, cov khoom kev nqis tes, los sis cov ntaub ntawv tseem ceeb):

Kev Hloov Pauv Tus Nqi:

- Thaum muaj kev nthuav tawm cov lus qhia kev hloov tus nqi, Lub Tuam Tsev Hauj Lwm yuav npaj kev cob qhia thiab kev nthuav qhia rau cov chaw hauv cheeb tsam thiab cov kws pab kho mob. Kev cob qhia yuav muab lus qhia fab tev niv hais txog kev npaj tus qauv nqi, cov phau ntawv teev kev ua hauj lwm txog tus nqi, thiab lwm cov ncauj lus txog kev hloov pauv tus nqi, Lub Tuam Tsev Hauj Lwm tus neeg ua hauj lwm muaj ntaub ntawv cog lus, Lub Koom Haum Tswj Kev Noj Qab Haus Huv (Burns thiab Associates yav dhau los), yuav pab txhawb hais txog kev cob qhia no.

QIP:

- Lub rooj sib tham pab pawg ua hauj lwm QIP yuav muaj nyob rau Lub Cuaj Hlis Ntuj Tim 26. Nws yuav muaj nrog cov kev hloov kho tshiab rau cov kev ntsuas QIP ntau thiab Phau Ntawv Teev Npe Kws Pab Kho Mob, ntawm lwm cov ncauj lus.
- Nyob rau Lub Caij Nplooj Ntoo Zeeg Xyoo 2024, kev tsim kho thiab kev kuaj qhov kev ntsuas kev txaus siab txog kev ua hauj lwm yuav pib. Qhov kev ntsuas no yuav ntsuas kev txaus siab ntawm cov neeg uas muaj kev pab txhawb uas lawv tau txais ua ntej thiab thaum uas ua hauj lwm nyob rau hauv txoj hauj lwm uas sib koom ua ke rau kev sib tw.

Phau Ntawv Teev Npe Kws Pab Kho Mob:

- Raws li tau qhia saum toj no, Cov kauj ruam 1 thiab 2 yuav ua kom mus txog thaum xaus Lub Kaum Hlis Ntuj Xyoo 2024.

Hloov Pauv Tus Nqi Yog Dab Tsi?

[Hloov Pauv Tus Nqi](#) nyob rau hauv xeev California txheej teg kev ua hauj lwm pab cuam fab kev tsim kho txhais tau tias yog kev hloov txoj hauv kev uas xeev them rau cov kev pab cuam. Lub hom phiaj yog los ua kom ntseeg siab tias txheej teg kev ua hauj lwm txog kev them nyiaj yog muaj kev ncaj ncees, cov kev pab txhawb uas muab kev saib xyuas zoo, thiab nws pab kom cov neeg tau txais cov kev pab cuam uas lawv xav tau. Cov kev them nyiaj yog ua los ntawm Lub Tuam Tsev Hauj Lwm ntsig txog Kev Tsim Kho Cov Kev Pab Cuam (Department of Developmental Services, DDS) los ntawm cov chaw hauv cheeb tsam rau txhua cov kws pab cuam. Cov kev them nyiaj no yog cov kev them nyiaj rov qab rau cov kev pab cuam uas tau muab rau cov neeg uas muaj cov kev xiam oob qhab fab kev txawj ntse thiab kev loj hlob (I/DD) thiab cov yim neeg.

Txoj hauj lwm hloov pauv tus nqi uas tau pib nyob rau xyoo 2019 tom qab Lub Koom Haum Kev Cai teeb tseg kom muaj Kev Tshawb Fawb Tus Nqi ntsig txog txoj hauv kev muab thiab them rau cov kev pab cuam thoob plaws xeev. Cov kev hloov kho txog Kev Hloov Pauv Tus Nqi uas tau pib nyob rau xyoo 2021-22 thiab Tsa Cai Hais Txog Peev Nyiaj Pab 2024-25 teeb tseg hnuv tim ua qhov kev hloov pauv tus nqi puv rau Lub Ib Hlis Ntuj Tim 1, 2025.

Muaj ntau cov khoos kas thiab cov teg dej num uas tshwm sim ntawm DDS uas yog ib feem ntawm cov theem Hloov Pauv Tus Nqi, uas suav nrog [Lub Khoos Kas Txhawb Siab Qhov Ua Tau Zoo \(Quality Incentive Program, QIP\)](#). Los Ntawm QIP, cov kws pab cuam tuaj yeem khwv tau txog li 10 feem pua ntawm lawv tus nqi saib raws li qhov ua tau zoo ntawm cov kev pab cuam uas lawv muab. QIP muaj ntau cov kev ntsuas sib txawv, txhua tej qhov cuam tshuam rau hom kev pab cuam sib txawv. Cov kev ntsuas yog cov hauv kev los ntsuam xyuas qhov ua tau zoo ntawm cov kev pab cuam uas ua los ntawm cov kws pab cuam. Cov cheeb tsam txuas mus no rau cov kev ntsuas QIP yog tau txiax txim los ntawm kev lis hauj ntawm lub chaw ua hauj lwm nce rau tsoom fwm ntawm QIP: Kev Tiv Thaiv thiab Kev Noj Qab Haus Huv; Kev Ua Hauj Lwm; Hauv Kev

Xaiv thiab Kev Txaus Siab Uas Tau Qhia Paub; Lub Peev Xwm Ntawm Lub Chaw Ua Hauj Lwm; Kev Cuam Tshuam Thaum Ntxov; thiab Kev Nkag Siv Kev Pab Cuam.

Muaj kev ntxiv kev ntsuas theem pib, hu ua [Phau Ntawv Teev Npe Kws Pab Kho Mob](#), rau QIP. Phau Ntawv Teev Npe Kws Pab Kho Mob yuav sib sau ua ke thiab muab cov ntaub ntawv thoob plaws xeev uas raug rau thawj zaug hais txog cov kws pab cuam. Kev koom nrog Phau Ntawv Teev Npe Kws Pab Kho Mob yog qhov kev ntsuas QIP uas yuav siv tau nyob rau hauv xyoo 2024-25 thiab 2025-26 rau kev teeb seb tus kws pab cuam puas yuav tau txais feem kev txhawb siab qhov ua tau zoo ntawm tus qauv nqi rau lawv cov kev pab cuam.

Cov lus nug:

Hloov Pauv Tus Nqi Email: ratesquestions@dds.ca.gov

QIP Email: QIPquestions@dds.ca.gov

Phau Ntawv Teev Npe Kws Pab Kho Mob Email: providerdirectory@dds.ca.gov.

